

Pelajar 2

TANDA-TANDA TI NUNJUKKA IYA TUHAN

“Jesus lalu bejaku ngagai iya, ‘Aku tu meh pengangkat enggau pengidup. Orang ke arapka Aku, deka idup taja pen sida mati, lalu semua orang ke idup lalu arapka Aku, enda mati. Kati nuan arapka nya?’ ” (John 11:25, 26).

A “Aku tu meh roti pengidup”:

❖ Nabi ti deka datai. John 6:1-15.

“Lebuh orang mayuh meda kereja ajih ti udah dikereja Jesus, sida lalu belabuh bejaku, ‘Orang tu amat nabi ke dianti datai ngagai dunya’ ” (John 6:14).

- Elisha ulih ngasuh roti barli betambah mayuh, taja pia nadai siku orang ngumbai iya “nabi ti deka datai” (2 Raja 4:42-44). Nama kebuah orang mayuh ngaulka Jesus enggau Mesiah ke disebut Moses lepas Iya udah ngasuh roti betambah mayuh?

(1) Moses:

- (a) Iya nguluka orang Israel pansut ari Ejipt lebuh hari Paska (P-sut 12:12-14, 29-32).
- (b) Iya niki ke Sinai (P-sut 34:2).
- (c) Orang Israel diuji (Ulang Adat 8:2-3).
- (d) Iya meri sida makai manna, “roti melikat” (Mas. 78:25).
- (e) Iya ngasuh begumpulka manna (P-sut 16:15-16).
- (f) Iya nguluka 12 peturun orang Israel (P-sut 24:4).
- (g) Iya madahka “penatai nabi” (Ulang 18:15).

(2) Jesus

- (a) Hari Paska nyau semak (John 6:4).
- (b) Iya niki ke bukit (John 6:3).
- (c) Iya nguji Pilip (John 6:5-6).
- (d) Iya ngasuh roti betambah (John 6:11).
- (e) Iya ngasuh ngumpul laluh roti (John 6:12).
- (f) 12 roti bakul digumpul (John 6:13).
- (g) Sida ngelala Iya “nabi” (John 6:14).

❖ The bread that came down from Heaven. John 6:16-36.

“Laban roti Allah Taala nya Iya ke nurun ari serega, lalu meri pengidup ngagai dunya” (John 6:33).

- Orang mayuh meda Jesus meh orang ke ulih amat ngelepaska sida ari perintah Roma: Iya ulih meri bala soldadu makai sereta ngeraika telis sida. Tang Jesus enggai dichiri sida nyadi raja (John 6:14-15).
- Lebuh betemu baru enggau orang mayuh hari siti, Jesus bejaku enggau terang ngagai sida (John 6:22-26). Iya ukai semina deka meri sida utai ke diguna tubuh aja. Iya datai deka meri sida pengidup meruan: “Aku tu meh roti pengidup” (John 6:35).
- Enggau jaku ke munyi nya, Jesus nerangka diri endang Allah Taala, ke nyebut diri “Aku” lebuh ke bejaku enggau Moses betunga mua dulu kelua (P-sut 3:13-14).

- (1) Aku tu meh roti pengidup (John 6:35).
- (2) Aku tu penampak dunya (John 8:12).
- (3) Aku tu pintu (John 10:7, 9).
- (4) Aku tu pengibun bedus ti badas (John 10:11, 14).
- (5) Aku tu meh pengangkat (John 11:25).
- (6) Aku tu meh jalai (John 14:6).
- (7) Aku tu pun anggur ti bendar (John 15:1, 5).

B “Aku tu penampak dunya”:

❖ Pengidup ti terang. John 9:1-16.

“Disaut Jesus, ‘Iya ke buta nya ukai laban dosa iya tauka dosa apai indai iya, tang ngambika kereja Allah Taala dipandangka ba iya’ ” (*John 9:3*).

- Kati kitai sakit kategal bedosa? Kati bala anak kitai sakit kategal ari dosa kitai? Tu meh tanya-tanya ke bisi dalam runding bala murid Jesus lebuah Iya ngingung ke runding sida ngagai siku orang ke buta kenyau ari ada (*John 9:1-2*).
- Kaul antara dosa enggau penyakit bisi dipadah enggau terang, ambika chunto, orang sakit bajung ke digeraika ba letung Betsata (*John 5:14*). Taja pia penyakit tu baka penyakit bukai ke ngerampit kitai – enda sama asal, endang bisi kaul enggau dosa ke bekelingi enggau kitai, tang nadai kaul enggau dosa orang siku-siku tauka dosa apai-indai.
- Ari pengawa ke ngasuh kitai ingatka penengkebang mensia, Jesus meri penerangka ngagai pengidup orang buta, ari ke ngasuh iya meda (*John 9:6-7; P-kal 2:7*). Lepas pengawa ajih tu, Jesus madah ngagai kitai utai ke tau nyadi kategal ari nya (*John 9:8-16*).
- Orang buta ke udah gerai tu arapka Jesus meh orang ke dikirum (Siloam), tang orang Parisi nulak Iya kategal udah ngerai lebuah hari Sabat. Tang... “Baka ni ku orang ke bedosa ulih ngereja kereja ajih baka nya?” (*John 9:16*).

❖ **Milih pemetang. John 9:17-34.**

“Kami nemu Allah Taala udah bejaku ngagai Moses. Tang pasal orang tu, indah penatai Iya deh kami enda nemu” (*John 9:29*).

- Orang buta:
 - (1) Pengidup rohani iya mansang badas (*John 9:17, 38*).
 - (2) Iya nemu Jesus nya orang kudus (*John 9:30-31*).
 - (3) Iya nemu Jesus datai deka meri iya penampak (*John 9:25*).
 - (4) Netapka pengarap iya ba Jesus (*John 9:32-33*).
- Orang Parisi:
 - (1) Sida nyau saru penemu (*John 9:16*).
 - (2) Sida ngumbai Jesus orang bedosa (*John 9:24*).
 - (3) Sida nadai nemu ari ni enggau kebuah Jesus datai (*John 9:29*).
 - (4) Enggai arap lalu muai orang “bedosa” (*John 9:34*).
- Sebedau ngaga pengawa ajih, Jesus madah: “Seagi-agi Aku di dunya tu, Aku nyadika penampak dunya” (*John 9:5*).
- Jesus meh penampak ke nerangka genap iku orang lalu ngiring sida ngagai penyelamat (*John 1:4,9; 3:21*). Tang enda mukai-mukai bisi orang ti deka ke pemetang lalu nulak penyelamat (*John 1:11; 3:19-20*).
- Baka tu meh orang Parisi. Sida bisi bukti, orang ke buta kenyau ari ada udah ulih meda diatu (*John 9:25, 30, 32*). Taja bisi semua bukti nya, sida agi majak nulak penampak.

C “Aku tu meh pengangkat enggau pengidup”:

❖ **Pengangkat Lasarus. John 11:1-44.**

- John 11 penuh laban penusah enggau ai mata (*John 11:1,14, 19, 21, 31, 32, 35, 38*). Sebaka enggau utai ke nyadi ba orang buta kenyau ari ada, Tuhan deka ngubah utai ke jai tu nyadi ke kebuah alai Iya deka diberi mulia (*John 11:4,15*).
- Anak indu Jairus enggau anak indu balu ari Nain diangkat enda lama lepas seduai udah mati. Tang Lasarus udah berengkah deka but. Semua orang nyadang Jesus enda ulih ngangkatka iya agi (*John 11: 24, 37*).
- Nama bida ngangkatka orang ke bedau lama udah mati enggau ngangkatka orang ke udah 5,000 taun mati? Ba Jesus utai tu nadai bida. Laban Iya meh pengangkat enggau pengidup. Semua deka diangkat ngena kuasa ari mulut Iya (*John 5:28-29*).
- Enda mukai-mukai bisi orang bempu penemu ngasaika manah agi Jesus mati ari ke meri pengidup (*John 11: 46-50*). Tang orang ke bukai arap, lalu dudi hari ila sida deka sama diangkat begulai enggau kitai ngagai pengidup meruan (*John 11: 45*).

“Bala pengereja deka betemu enggau mayuh orang ti ngeraska ati diri ari telai Roh Tuhan; lalu sida mega deka betemu enggau mayuh orang ti laparka roti pengidup, ke nerima ajar nya udah nya lalu mansang ke mua naburka benih pemendar.”

EGW (Testimonies for the Church, volume 7, lambar 202)